

Universitätsbibliothek Paderborn

De Vetere Clerico, Monacho, Clerico-Monacho, Libri Tres

Primus veterem habitum: Secundus conuictum ac disciplinam: Tertius honores ac priuilegia describit

De Clerici, Monachi Vetere Institvto. Liber Primvs - Distinctus in tres Partes. In quibus, praeter veterem eorum habitu[m], multa quoque inserta de veste veterum laicorum. Breuiterq[ue] explicata singulorum origo, & antiquitas.

Landmeter, Laurentius

Lovanii, 1626

Cap. V. Qui-nam Instituti Regularis fundatores, propagatores, reformatores.

urn:nbn:de:hbz:466:1-11007

C A P V T V.

Qui nam Instituti Regularis fundatores, propagatores, reformatores.

Institutum Clerici-monachi, siue Clerici regularis cœpit, vt dixi, in Apostolis; continuauitq; illud in Ecclesiâ Hierosolymitanâ S. Iacobus primus illius sedis Episcopus. Vnde usque hodie quidam Canonici Regulares, se Canonicos S. Iacobi profitentur; atque vt declarant Apostolum illum esse sibi in peculiarem patronum, in confessione generali, sicut Deum, Deiparam, Petrum, Paulum, ita & Iacobum inuocant: eo modo quo alij Regulares, Augustinum, Nortbertum, Dominicum, Franciscum, Ignatium. Idem institutum Ecclesiæ Alexandrinæ inuexit B. Marcus, vt habet illorum Canonicorum traditio, qui se S. Marci nuncupant, & in suis Epistolis Pontifices declararunt. *Huius ordinis & sancti propositi* (inquit Eugenius IV.) post Sanctos Apostolos, *primum in Alexandrinâ Ecclesiâ Marcus Petri*

50

Tiffis
 Joannes
 Marin.
 barnus.

 In decre
 20 ad
 Congreg
 Lahr.

tri discipulus, institutor fuit & conditor. Non
adsentior tamen illis, qui Philonis illos The-
rapeutas confundunt cum Ecclesiæ Alex-
andrinæ Clericis. Illi enim, de quibus Philo,
Monachi, non Clerici fuere: tum quod in-
ter illos etiam fæminæ, separatim tamen à
virismorantes: tum quod extra mœnia dege-
bant, in hortis aut villis solitarijs, amantes so-
litudinem. quod Monachorum est, nō Cle-
ricorum. Vrbanus quoque Papa & martyr
conatus est occidentalem clerum iuxta A-
postolicam normam formare: extatq; eius
de vitâ cõmuni professione & voto firma-
ta decretum. Sed apparet, non permisisse
talis vitæ exercitium saltem perfectum,
temporum illorum iniquitatem, ac quoti-
dianarum persecutionum furores. Vndè
qui in Occidēte Clericatui iunxerit mona-
sticen, primum fuisse Eusebium Vercellen-
sem, testatur Ambrosius: *In Vercellensi* (in-
quit) *Ecclesiâ duo pariter exigi videntur ab*
Episcopo, monasterij abstinentia, & Ecclesia
disciplina. Hac enim primus in Occidētis par-
tibus, diuersa inter se, coniunxit Eusebius: ut

Philo de
vitâ cõ-
temp.
init.

Refertur
1291.
scimus.

Ambros.
serm

8. &
9.

D d 3 & in

*E*n ciuitate positus Monachorum instituta teneret, *E*ccliam regeret ieunij sobrietate. Idque ipsum præstantissimum vitæ institutum S. Martinus inuexit in Gallias, & S. Augustinus in Africam, auctore Baronio.

*Ad annū**s. 28.*

Quod ipsum paullò antè fecerat Athanasius in Oriente, qui quidem ab Alexandro Patriarcha Alexadrino in Clerum primùm adscitus; deinde à magno Anthonio, quo cum ab adolescentia adsueuerat, in monastica disciplina fuit institutus. Huic non satis visum fuit (inquit Baron.) Monachorum instituta in Clerum Ecclesiarum ciuitatis trāsferre, sed ipsos sanctissimos Monachos, quos cæteris nosset peritiâ & moribus antecellere, in Episcopos diuersarum Ecclesiarum adsciuit, vt ipse testatur in Epistola ad Dracontium.

Non fuisse sanctum hoc institutum in Africa usitatum ante tempora S. Augustini, argumento sunt difficultates, quas in eius inductione perpetuus est, quæ eo usque excruerunt, vt coactus fuerit S. Pater ob Clericorum infirmitatem ab illo proposito recedere

cedere, quo statuerat neminem Clericum ordinare, nisi qui professionem regularem emisisset. *Certe ego sum, (inquit) qui statueram nullum ordinare Clericum, nisi qui mecum vellet manere: aut si vellet discedere à proposito, recte ei tollerem Clericatum, quia deserret sanctæ societatis promissum.* Ecce in conspectu Dei & vestro, muto consilium. Qui volunt habere aliquid proprium, quibus non sufficit Deus & Ecclesia sua, maneant ubi volunt & ubi possunt, non eis aufero clericatum.

Ser. 1 de
vita suo
rum clae-
ricorum.

Sanctum Augustinum æmulati sunt SS. Prosper & Gelasius, hic sedis Apostolicæ Episcopus, ille Rheiensis in Gallia Narbonensi Episcopus: & de Gelasio docent viri eruditi filium fuisse Valerij Episcopi Hippensis, ordinatoris S. Augustini, ac sub eodem Augustino Ecclesiæ disciplinis imbutum.

Patricius quoque Hiberniæ Apostolus, Anno
Christi
431.
S. Martini ex sorore nepos, & ab eo Clericus ordinatus; à Cælestino Papa in Hiberniam ad opus Euangelij missus, quæ sub auunculo instituta canonica didicerat, eadem in

216 D E VETERE CLERICORVM
in clerum sibi commissum fideliter trans-
fudit, erectis trecentis Ecclesijs, singulis ad-
signato Episcopo cum Clero sufficiente,
regulariter viuente.

Secutus hunc Gregorius Magnus, insti-
tuto quidem Monachus, attamen egregius
canonici ordinis propagator. ex huius de-
creto Augustinus Anglorum Episcopus,
Canonicum ordinem tamquam plantatio-
nem sacram in populo sibi commisso insti-
tuit, vt auctor est Eugenius Papa IV.

De hoc transeo ad tempora Caroli Ma-
gni ac eius filij Ludouici Pij, quibus adni-
tentibus tam Moguntino quam Aquensi
Concilijs gnauiter laboratum est in Cleri
reformatione, quo tempore (vt supra dixi)
Canonici professi primum dicti Canonici
regulares.

Defudarunt in eadem caussâ non longè
postea Leo IX. Nicolaus II. Alexander II.
cuius tempore habita Synodus illa Latera-
nensis, in cuius canone IV. Clericis vita
communis præcipitur. Vsi fuere in hoc
sancto negotio tam Nicolaus quam Ale-
xander

Circa
annum
Domini
D. C. I.

In priuile-
Ecclesie La-
teran.

Concil.
Mogunt.
anno
Domini
D. CCC.
XII.
Concil.
Aquense
anno
Domini
D. CCC.
XVII.

Concil.
Lateran.
sub Ale-
xand. II.
anno
Domini
d. LXXXIII.

xander operâ Petri Damiani: cuius etiam extat Regula Clericis Portuensibus scripta, & a Paschali II. confirmata, auctore Signio.

*Sig. I. 1.
cap. 4. i.*

Quæ cius adsertio non caret difficultate, quia, teste Baronio, Petrus obijt anno Domini millesimo septuagesimo secundo, viginti octo annis antequam Paschalis se deret; cuius Pontificatus initium incidit in annum M. C. Pronunciandum tamen erit pro Signio, si vera est inscriptio Epistolæ, quam Regulæ confirmandæ præmisit, *Paschali Dei nutu, summa & Apostolicæ sedis Episcopo, Petrus peccator Clericus, cum suis Confratribus salutem & omnem obedientiam.* Fuisse tunc Petrum non longè minorem centenario tradit idem Signius.

Iungo his Iuonem ex Præposito Sancti Quintini Bellouaci, Episcopum Carnotensem, & Arnulphum siue Russum ex Abba te Archiepiscopum Lugdunensem. Illum à reformato Canonico ordine, alterum *Esdram ac spiritualis Hierusalem reædificatorem*, vocat Petrus Blesensis: hic verò exci-

E e tatam

*100 circa
annum
1080.
Auctore
Nauclea
vo.
Russus
circa
a num
M.C.V.*

218 DE VETERE CLERICORVM

tatam à se regularem disciplinam ac plurimi-
mis tam in Gallijs quàm Italia monasterijs
invectam , etiam sanguine consignauit.

Chrono-
log. vol. 2
gen. 37 Auctor enim est Nauclerus , eum à Cleri-
cis , quorum vitia arguebat , clanculo oc-
ciso . Eius nomine insignita est Abbatia
Refertur
19. c. 2.
c. statui
viii. propè Valentiam , dicta S. Ruffi; ad cuius
Abbatem extat Epistola Urbani II. decer-
nentis, *Ne quispiam canonicæ professionis, le-*
uitatis alicuius instinctu, vel districtioris re-
ligionis obtentu, ex eodem clauistro audeat, sine
Patris & totius congregatoinis consensu, dis-
cedere.

Ecli. 18. Post hos surrexit vir Dei Norbertus,
circa ius verbum (de Elia dixit Scriptura) sicut fa-
annum cul aardebat. Hic primùm in Ecclesia Colle-
Domini giata Xantensi Coloniensis dioecesis , vitâ
1120. & moribus sæcularis Canonicus fuit. De-
inde altâ Dei miseratione , è sua vana con-
uersatione reuocatus , ac mutatus in virum
alterum ; conuersionis suæ primordia , à
Cleri correctione auspicatus est. Sacerdos
enim ordinatus , mox ab oblatis Deo pro-
mitijs , pro more cum cæteris suis fratribus
in

ET MONACHORVM HABITV. 219
in Capitulo residens; accepto codice (inquit
Auctor vitæ) alloqui cœpit Decanum: osten-
dens ex verbis Gregorij & Isidori, quorum Re-
gulam tenere se dicebant, quod ipse, qui erat
omnium præpositus & magister, deberet eos ad
rectum honestæ ac sanctæ vitaे tramitem re-
uocare. Fuit hoc primùm æstuantis in eo
zeli argumentum. Commendatus postea à
Gelasio Papa, Bartholomeo Episcopo Lau-
dunensi, præfectus est ab eodem Ecclesiæ
S. Martini in suburbio Laudunensi sitæ, in
quâ pauci Fratres erant, sub regula canonicae
professionis degentes. Conatus est eos S. Pater
reuocare ad incudem, ac primum Aposto-
lici spiritus feruorem instillare: sed mox au-
diit, quod olim S. Benedictus, *Nolumus*
bunc regnare super nos.

Ne ergò videretur contra Euangeliј
monita veteribus vtribus nouum vinum
infundere, cogitauit de nouâ congrega-
tione, aditoque loco multis indicijs à Deo
Præmonstrato, in eo nouellæ religionis vi-
neam, Deo fauente, plantauit. *Quæ mox*
multà refulgens gloria meritorum, & gratia
E e 2 redolens

220 DE VETERE CLERICORVM
redolens sanctitatis, palmites suos extendit
à mari usque ad mare.

Emicuerunt postea in sancto illo opere,
Fridianus Episcopus Lucensis; Leo de Ca-
Circa
annum
Domini
1041. fratte, Institutator congregationis Frigiona-
riæ, quam Eugenius I V. voluit Lateranen-
sem appellari: Stephanus & Hieronymus
Institutores congregationis Scopetinæ si-
Anno
Domini
1041. ue S. Saluatoris: B. Laurentius Iustinianus
ex congregatione S. Georgij in Algâ Vene-
tijs, ibidem Patriarcha, vitæ sanctitate, spi-
ritu Prophetiae, miraculis clarissimus. De
quibus singulis agere non est nostri propo-
fiti. Iungo eos, qui S. Nortbertum pone se-
cuti sunt, Dominicum, Franciscum, & qui
nouissimis temporibus illuxit, Ignatium.
Nec miretur lector, me viros illos inter Ca-
nonici Ordinis restauratores reponere.
Quid enim si Canonici non vocantur? ne-
que ego eos voco, quia usus non habet;
*Quem penes arbitrium, ius est, & norma
loquendi.*

Sed de re non nomine mihi quæstio est. Sa-
nè Dominicanos, Franciscanos, Iesuitas in-
stituto

stituto Clericos esse docent eorum functiones: profitenturque singuli vitam Apostolicam. Quid ergo eis de Canonicō deest præter nomen? Verum sicut habitus non facit Monachum, sed sui abnegatio ac cum Deo vnio: ita nec nomen facit Canonicum, sed vita regularis aut canonica.

Hæc summatim de Instituto Regulari sufficiat attigisse. Visum autem necessarium illa hic inserere, pro meliore intellectu eorum, quæ dicturi sumus lib. sequenti.

CAPUT VI.

Vestis linea sanctimonie & puritatis Hieroglyphicum. Almutia & cappas Clerici à Monachis mutuati sunt.

VETEREM Clericorum vestem soli illi Regulares retinuerunt, qui in albâ tunica, Rochetto siue lineâ, & Byrrho sunt: cæteri aut ad habitum monasticum declinarunt, aut eum adsumpserunt, qui Clericis

Ec 3 sœcu-